



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 09/01/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Famill an Integratioun weiderzeleeden.

Fir vill eeler Matbierger sinn d'Chancen an eng gutt Fleegestruktur eranzekommen extrem limitéiert. Wann een an Fleegeariichtungen nofreet, kritt ee gesot, et sollt een sech sou fréi ewéi méiglech op eng Waardelëscht sëtzen, fir d'Platz vun engem Verstuerwene kennen ze kréien. Am Alter d'Entscheidung ze treffen sech an eng Fleegeariichtung anzeschreiwen heescht säin Doheem opzeginn, wéll een net méi eleng an engem Haus oder Appartement liewe wéll oder och kann an doduerch een Deel vu senger Autonomie a Sécherheet opzegi fir kënnen ee stabilt a wierdegt Liewe weiderzeféieren. Dës Decisioun muss heefeg gutt a scho Jore virdu virbereet ginn an ass dacks och mat héijen ekonomesche Käschte verbonnen. All Mënsch am Alter sollt genuch a bezuelbar Fleegestrukturen zur Auswiel hunn fir säi Liewen an héchstméiglecher Wüerd ze gestalten.

An deem Zesummenhang wéilt ech dem Minister dës Froe stellen:

- Opgeschlësselt no Ariichtung (privat a staatelech), wéi vill Platze ginn et zu Lëtzebuerg a Fleegeariichtunge fir Mënschen am Alter? Wéi vill vun deene Plätzen entfalen dovunner op sougenannten "centre intégré pour personnes âgées (CIPA)" a wéi vill op Fleegezentren?
- Opgeschlësselt no Ariichtung fir d'Joer 2018, wéi héich ass den Auslaaschtungsgrad vun de CIPA an de Fleegezentren?
- Opgeschlësselt no Ariichtung, wéi vill Leit waren op Waardelëschten am Joer 2018? An der selwechter Opschlësslung, wéi laang sinn déi Lait am Duerchschnëtt op deenen eenzele Waardelëschte bis dass se an enger Fleegestruktur ugeholl ginn?

Mat déiwem Respekt,

GOERGEN Marc
Député